

尔时，金刚藏菩萨欲重明此义而说偈言：

“诸菩萨随顺，无量深智力，
第一最微妙，一切世难知，
利益众生者，能至第九地，
得入于诸佛，秘密之藏处。
得微妙最上，三昧陀罗尼，
广大神通力，善入世间相。
智慧力决定，能观诸佛法，
大愿悲心净，得入第九地。
顺行此上地，持诸佛藏者，
即能通诸法，善不善无记，
是有漏无漏，世间出世间，
是则可思议，是不可思议，
知法定不定，三乘具足相，
思惟分别此，有为无为相。
起知如是法，破诸无明闇，
随顺是智心，则为第一妙。
悉知诸众生，险难诸杂心，
轻躁易转心，无边自在心，
烦恼深浅相，心伴不离心。
又知使缠相，随顺相续有，

知业种种杂，各各差别相，
因灭果不失，通达如是事。
又知于众生，诸根软中利，
广大差别等，先际后际相，
上中下差别，及诸欲乐等，
乃至能悉知，八万四千种。
世间性亦尔，烦恼见难处，
无始来不断，诸心一切使，
皆与心共行，缚心难可断。
知诸结使等，但妄想分别，
无有方处所，亦无定事相，
亦不离于身，又亦难得知，
禅定力能遮，金刚道能断。
又能知众生，入六道差别，
爱水痴闇覆，业田识是种，
生于后身牙，名色共增长，
无始生死来，相续在三界。
及知天龙等，烦恼诸业心，
若离于心者，是则无所有。
一切诸众生，皆在三聚中，
或没诸邪见，或在于智道。

菩萨住是地，悉知众生心，
诸根及欲乐，种种差别等。
深心善思惟，随宜而说法，
通达无碍智，善以言辞说。
菩萨为法师，犹如师子王、
牛王如山王，安住无所畏。
普于诸世界，雨美甘露味，
犹如大龙王，能雨满大海。
是菩萨善知，法义辞无碍，
善能随顺行，具足乐说力。
能得于百万，阿僧祇总持，
能受诸佛法，如海受龙雨。
菩萨得如是，诸深妙清净，
无量陀罗尼，诸三昧力故，
能于一念中，得见无量佛，
闻已净梵音，演说妙法宝。
是菩萨或教，大千界众生，
随心根所好，说法令欢喜。
如是等无量，三千大千国，
转深勤精进，而作是思惟：
‘或于一毛头，无量佛说法。’

佛为种种人，演说于妙法，
是菩萨皆受，如地受诸种。
复作如是愿：‘十方诸所有，
国土中众生，皆合为一会。
应于一念中，皆悉知其心，
以一音说法，悉令断疑网。’
菩萨住是地，人天中法王，
为大说法师，随顺众生心。
常于日夜中，与诸佛共会，
能住甚深妙，寂灭智解脱。
供养无量佛，善根转明净，
犹如转轮王，真金严宝冠。
光明照众生，烦恼嶮难处，
如梵王光明，照于大千界。
菩萨住是地，作三千大千，
世界大梵王，诸根悉猛利。
善以三乘法，示悟诸众生，
所作诸善业，皆顺于正念。
能在一念中，而得于无量，
世界微尘数，诸深妙三昧。
得见十方佛，微妙音说法，

见佛大神力，更发无量愿。

如是第九地，大智所行处，

深妙难知见，今已略说竟。”]

《摩诃般若波罗蜜经·广乘品》云：

[“复次，须菩提，菩萨摩訶萨住九地中应具足十二法。何等十二？受无边国土所度之分，菩萨得如所愿，知诸天、龙、夜叉、乾闥婆语而为说法，处胎成就，家成就，所生成就，姓成就，眷属成就，出生成就，出家成就，庄严佛树成就，一切诸善功德成满具足。须菩提，是为菩萨摩訶萨住九地中应具足十二法¹。”]

《大智度论》云：

[【经】云何菩萨受无边世界所度之分？十方无量世界中众生，如诸佛法所应度者而度脱之。

云何菩萨得如所愿？六波罗蜜具足故。

云何菩萨知诸天、龙、夜叉、捷闥婆语？辞辩力故。

云何菩萨胎生成就？菩萨世世常化生故。

云何菩萨家成就？常在大家生故。

云何菩萨所生成就？若刹利家生，若婆罗门家生故。

云何菩萨姓成就？如过去菩萨所生姓，从此中生故。

¹《大般若波罗蜜多经·修治地品》云：

[“复次，善现，诸菩萨摩訶萨住第十地时，应圆满十二法。云何十二？一者、应圆满摄受无边处所大愿，随有所愿皆令证得；二者、应圆满随诸天龙及药叉等异类音智；三者、应圆满无碍辩说；四者、应圆满入胎具足；五者、应圆满出生具足；六者、应圆满家族具足；七者、应圆满种姓具足；八者、应圆满眷属具足；九者、应圆满生身具足；十者、应圆满出家具足；十一者、应圆满庄严菩提树具足；十二者、应圆满一切功德成办具足。善现，诸菩萨摩訶萨住第十地时，应勤圆满此十二法。善现当知，若菩萨摩訶萨住第十地已，与诸如来应言无别。”]

云何菩萨眷属成就？纯诸菩萨摩诃萨为眷属故。

云何菩萨出生成就？生时光明遍照无量无边世界，亦不取相故。

云何菩萨出家成就？出家时，无量百千亿诸天侍从出家，是一切众生必至三乘。

云何菩萨庄严佛树成就？是菩提树以黄金为根，七宝为茎、节、枝、叶，茎、节、枝、叶光明，遍照十方阿僧祇三千大千世界。


云何菩萨一切诸善根功德成满具足？菩萨得众生清净，佛国亦净。是为菩萨住九地中具足十二法。

【论】论者言：受无边世界所度之分者，无量阿僧祇十方世界六道中众生，是菩萨教化所应度者而度之。是世界有三种：有净、不净、有杂。是三种世界中众生，所可应度有利益者，皆摄取之。譬如燃灯，为有目之人，不为盲者；菩萨亦如是，或先有因缘者，或始作因缘者。

复次，三千大千世界，名一世界，一时起、一时灭；如是等十方如恒河沙等世界，是一佛世界²。如是一佛世界，数如恒河沙等世界，是一佛世界海。如是佛世界海，数如十方恒河沙世界，是佛世界种。如是世界种，十方无量，是名一佛世界。于一切世界中取如是分，是名一佛所度之分³。

² 一佛世界：《大方广佛华严经》云：“于一念中，遍至东方一佛世界、百佛世界，千佛、百千佛、无量佛世界，乃至不可说不可说诸佛世界。阎浮提微尘等世界，乃至不可说不可说佛刹微尘等世界，悉得覩见彼世界中一切诸佛及其眷属。”

³



得如所愿者，是菩萨福德、智慧具足故，无愿不得。听者闻无量无边世界所度之分，疑不可得；以是故，次说所愿如意。此中佛自说六波罗蜜具足：五度，则福德具足；般若，则智慧具足⁴。

知诸天、龙、夜叉、捷闼婆语者，我上说福德、智慧具足，所愿如意，知他人种种语，即是所愿事。复次，菩萨得宿命智清净故，知处处生一切语。复次，得愿智故，知立名者心，强作种种名字语言。复次，菩萨得解众生语言三昧故，通一切语无碍。复次，自得四无碍智，又复学佛四无碍智；以是故，知众生语言音声。

处胎成就者，有人言：“菩萨乘白象，与无量兜率诸天围绕，恭敬供养，侍从入母胎。”有人言：“菩萨母得如幻三昧力故，令腹广大无量，一切三千大千世界菩萨，及天龙鬼神皆得入出；胎中有宫殿台观，先庄严床座，悬缯幡盖，散华烧香；皆是菩萨福德业因缘所感，然后菩萨来下处之。亦以三昧力故，下入母胎，于兜率天上如故。”

生成就者，菩萨欲生时，诸天龙鬼神庄严三千大千世界；是时，有七宝莲华座，自然而有；从母胎中，有无量菩萨先出，坐莲华上，叉手赞叹，俟⁵待菩萨；及诸天龙鬼神、仙圣诸玉女等，皆合手一心，欲见菩萨生。然后菩萨从母右胁出，如满月从云中出，放大光明，照无量世界。是时，有大名声，遍满十方世界，唱言：某国菩萨末后身生。或有菩萨化生莲华；于四生⁶中，

⁴ 六度：前五——福；第六——慧。

⁵ 俟：拼音 sī，等待：俟机进攻。

⁶ 四生：四生为众生出生的四种方式：一、卵生、从卵壳而生，如禽类；二、胎生、从母胎而生，如人及动物；三、湿生（因缘生），从湿气而生，如蚊、虫；四、化生，无所质对的依托，借业力而生，如天神、饿鬼及地狱道众生。

菩萨胎生、化生。于四种人⁷中，菩萨生刹利、婆罗门二姓中；生此二种姓，人所贵故。

家成就者，婆罗门家有智慧，刹利家有力势；婆罗门利益后世，刹利利益今世。是二种于世有益，是故菩萨在此中生。复次，诸功德法家，所谓不退转生，是名家生成就。

姓成就者，菩萨兜率天上，观世间何姓为贵，能摄众生，即于是姓中生。如七佛中初三佛，憍陈如姓中生；次三佛，迦叶姓中生；释迦文尼佛，憍昙姓中生。复次，菩萨初深心牢固，是名诸佛姓。有人言：“得无生法忍，是诸佛姓。”是时，得佛一切种智气分故，如声闻法中性地人⁸。

眷属成就者，皆是智人、善人，世世集功德。此中佛自说，纯以菩萨为眷属。如《不可思议经》中说：“瞿毗耶⁹是大菩萨，一切眷属皆是住阿鞞跋致地菩萨；以方便三昧变化力，为男、为女，共为眷属。如转轮圣王居士宝，是夜叉、鬼神现作人身，与人共事。”

出家成就者，如释迦文菩萨，夜于宫殿，见诸婬女，皆如死状；十方诸天鬼神，赍持幡华供养之具，奉迎将出。是时车匿虽先受净饭王敕¹⁰，而随菩萨

⁷ 四种人：《增一阿含经》云：

初有刹利种，次有婆罗门，
第三名毗舍，次复首陀姓。
有此四种姓，渐渐而相生，
皆是天身来，而同一色。

⁸

佛姓——
┌一云、初深心牢固是
└一云、得无生法忍是……如小乘性地。

⁹ 《大智度论·序品》云：“欲为诸佛给使者，如释迦文佛未出家时，车匿给使，优陀耶戏笑；瞿毘耶、耶输陀等诸婬女，为内眷属。出家六年苦行时，五人给侍。得道时，弥喜、罗陀、须那刹多罗、阿难、密迹力士等，是名内眷属。”

¹⁰ 敕：拼音 chì，帝王的诏书、命令；救命。敕书。敕封。奉敕。宣敕。

意，自牵马至；四天使者接捧马足，逾城而出。为破诸烦恼及魔人，示一切众人在家之秽。如此大功德贵重之人，犹尚出家，况诸凡细！如是等因缘，名出家成就。

庄严佛树成就者，庄严菩提树，如先说。佛此中自说：是菩提树，以黄金为根，七宝为茎、节、枝、叶，茎、节、枝、叶光明遍照十方无数阿僧祇诸佛世界。或有佛以菩萨七宝¹¹庄严佛树，或有不如是者。所以者何？诸佛神力不可思议，为众生故现种种庄严。

一切诸善功德成满具足者，菩萨住七地中，破诸烦恼，自利具足；住八地、九地，利益他人，所谓教化众生，净佛世界。自利、利他深大故，一切功德具足¹²。如阿罗汉、辟支佛，自利虽重，利他轻故，不名具足。诸天及小菩萨虽能利益，而自未除烦恼故，亦不具足。是名功德具足。（九地竟。）]

¹¹ 菩萨七宝：可能是指圣者七财，圣者七财者，诚如《龙树菩萨劝诫王颂》所云：
信戒施净闻，惭愧及正慧，
七财牟尼说，共有物诚虚。

¹² 一、《十住经》云：“诸佛子！菩萨住是七地，多过贪欲等诸烦恼众。在此七地，不名有烦恼者、不名无烦恼者。何以故？一切烦恼不发起故，不名有烦恼者；贪求如来智慧、未满足愿故，不名无烦恼者。”

┌七地——破诸烦恼，自利具足
二、七八九地——└八九地——化生严土，利他具足